

Tretioujē šv. Velīku dėina Vėlniaus Žvierīna Švč. Mergelės Marijės Nekaltuojė prasėdiejėma bažnīčiuo šv. Mėšės bova aukuojemas žemaitėškā

VĒNGALIS Bonipacos



Klēbuons
V. Rapalis

Šiū metu tretioujē šv. Velīkū dėina (balondė 11) i pavakarė gers būrīs Vėlniaus žemaitiu ėr anū prieteliu bova sosėrinkė ī Vėlniaus Žvierīna Švč. Mergelės Marijės Nekaltuojė prasėdiejėma bažnīčė, katruo pagal jau daug metu gīvovjėntė tradicėjė Vėlniaus žemaitiu kultūras draugėjės narīs – iš Plungės krašta kėlės klėbuons Rapalis Vītauts šv. Mėšės aukuojė žmaitėškā.

Par šv. Mėšės klėbuons pasėdžiaugė, ka gėiduo-tė šv. Mėšiū Lėtorgėjuo ėš patiuos Žemaitėjės atvika Kretinguos kultūras cėntra mėšrus ansamblis „Svaja“, vo žemaitėšku šv. Mėšiū mozėka, katra tou pavakarė skombiejė pėrma karta, ī sokūrės ansablė vaduovs kretingėškis kompuozituorios Žilīs Aloīzos.

Sakīdams pamuoksla klėbuons i sosėrinkosius kreipies tuokės žuodės: „*Mes naėiškuokem Puon-dėiva dāktūs, naėiškuokem Kristaus ont križiaus, ku-*



Tretioujē šv. Velīku dėina Vėlniaus Žvierīna Švč. Mergelės Marijės nekaltuojė prasėdiejėma bažnīčiuo koncertavė Kretinguos dainininkā, anū vaduovs A. Žilīs, bovusi Vėlniaus žemaitiu kultūras draugėjės pirmininkė D. Dirgėlienė, bažnīčės klėbuons V. Rapalis, varguonininkė J. Bareikė, Lietovuos Respublikas Seima narė R. Šalašėvičiūtė ėr A. Vinkos, kt. pu če vīkusiu žemaitėšku šv. Mėšiū



Kretinguos kultūros cėntra dainininkā (vaduovs A. Žilīs) pri Vėlniaus Žvierīna Švč. Mergelės Marijės nekaltauojė prasėdiejėma bažnīčės varguonu gėid „Žemaitėškas Mėšės“

met ons jau ī prisėkielės. Nu tuo mūsa nusėteikėma ėr priklausa, ar mes švėntam Velīkas kap Velīkas ar kap švėntas Velīkas. Je Velīkas, ta tumet kiaušėnokā, mėšrainėkės, vėsokėi parsėvalgīmā, dar kuokės nuors dvėprasmėškas nuotraukelės, ĩmestas i „Fėisboka“... Švėntas Velīkas ī tousīkės, ka žmuogos gal sau ė kėtėms pasakītė „Puondėivs tėkrā prisėkielė, Puondėivs, katras mon pasakė, kad ī omžėns gīvenėms“. Kumet to ateini pri sava svajuonės kapa i tėn nieka nabrondi, kumet tau dūšie liūdna, ka nuorės žliumbtė, kriukotė, paklauskem savės, a mūsa gīvenėmė Puondėivs ī prisėkielės, a ons dā tabie rūsie oždarīts so mona vėsuokės natėkiejėmās. Vō mums rėk vėsā nadaug. Būkem laimingė, džiaukemuos, keravuokem sava gimta šnekta, nasėgiedīkem anuos, naužmėrškem onon skiepitė jaunėms žmuonėms, melskemuos.... Aloizos truopnos žmogielis – „Mėšėlės“ parašė. Jau dabā galiesem rimčiau puoteriautė, dabā jau nieks anū nabgalies ėš mūsa atimtė. Nabibūs mūsa gīvenėmė vėitas liūdesiou, būsem laimingė tėkiedamė, ka mūsa Puondėivs ī prisėkielės, ėr žėnuodamė, ka paskotėnis žuodis mūsa gīvenėmė priklausīs Puondėivou“.

Šv. Mėšiuoms pasėbėngos, Kretinguos rajuona Kultūras cėntra mėšraus ansamblė „Svaja“ dainėninkė ėr smokėninkė Domarkātė-Budrienė Nomedā padiekavuojė sosėrinkosėms ož palaikīma ėr šėlta bėndrīstė. Ana prisėpažėna: „Reikiejė atvažioutė i Vėlniu, ka sožėnuotomem, kāp gražė skomb mūsa atlėiktamas „Žemaitėškas Mėšės“. Pu tū žuodiu kretingėškė pakvėitė sosėrinkosius pasėklausītė dā keliū ansmblė „Svaja“ ėr vuokalistu dueta atlėiktamū dainū. Vėsū anū mozėka, kāp ė jau gėrdietas „Žemaitėškas Mėšės“,



Koncertou N. Domarkātė-Budrienė ėr A. Žilīs

sokūrė kolektīva vaduovs kompuozituorios A. Žilīs.

Par koncerta pu aukštās Žvierīna bažnīčės skliautās nuskombiejė ansamblė „Svaja“ atlėiktamas dainas „Lelėjės žid“, „Ažuolui“, „Tave ištarsiu“, „Taip dūžta laikas“, „Rugeliai“, N. Domarkātės-Budrienės ėr A. Žilės so ansamblė pritarėmo sogėiduota gėismie „Vienintelis Tu“. Koncerta ožvėršava duets, sodainiavės daina „Gimtinės dangus“ ėr vėsė ansamblietė, klausītuojems paduovėnuojė dā dvė dainas – „Laimės akmenėliai“ ėr „Jazminai vėl žydės“, katra ī skėrta Puondėiva garbė.

Koncertou pasėbėngos, klėbuons V. Rapalis padiekavuojė Kretinguos ansamblė dainininkams, anū vaduovou, mozėkontams ėr pakvėitė švėntiu pruogo žuodi tartė šv. Mėšiuos dalīvavusius tris garbingus žemaitius: bovosė ėlgametė Vėlniaus žemaitiu kultūras draugėjės pirmininkė Dirgėlienė (Juodkātė) Dalė, katrā vaduovaujint mažne prīš 20 metu Vėlniou šv. Mėšės bova pradietas aukuotė žemaitėškā, Lietovuos Respublikas Seima narė Šalašėvičiūtė Rimantė (ana dabā ī Seima žemaitiu gropės pirmininkė), ėr Seima nari Vinku Antana, katras daug kou prisėdiejė, kad kretingėškė torietom galėmībė atviktė ī Vėlniu.

D. Dirgėlienė pasveikėna sosėrinkusius so švėntiem ė vėsėms palinkiejė sveikatas, kontrībės,

(Nukelta i 58 p.)

ištvermies ēr vēskuo, kas ī žmuogou brongiausē. R. Šalaševičiūtē, daug kou gera padariusi 2019 metās organizuojint Žemaitējēs metu pamēnavuojēma Lietovuo, tēp pat pasveikēna vēsus so šv. Velikuom ē pasakē, ka dabā Seima žemaitiu gropie ī 26 narē ēr anēi rūpēnas, ka būtom iteisinta regējuonēnē žemaitiu kalba (šnekta). Seima narīs, bovēs sveikatas apsauguos ministros A. Vinkos kalbiejē garšē ēr emuocingā: „Lietova torem, kad torem žemaitius, kad torem sava Vītauta! Pagrindēnē mūsa jiega – mūsa šeimas, meilē tarp vīra ēr žmuonuos. Gimdikem vākus! Kol torem sava kalba, mes esam mondrē na tiktā cepelinās, bet ēr sava kultūra. Viešpatie, laimink mūsa Žemaitējē ēr tėvīnē Lietova!“ Pu tū žuodiu A. Vinkos sava žemietiu A. Žiliou ēr klēbuonou V. Rapaliou īteikē pu tautēnē Lietovuos vieleva. A. Žilys A. Vinku, Žvierīna bažnīcēs varguonēninkē Bareikē Jūratē ē klēbuona V. Rapali apduovēnuojē leidēnēs, katrūs ī ēšspausdintas pagal ivairiū autoriu tekstus A. Žilē sokortas dainas.



Dainiu Kretinguos kultūras cētra mēšrē ansamblē „Svaja“ (vaduovs A. Žilīs) vīrā

Švėntėnė vakara pabaiguo brongėisėms svetems iš Kretinguos sogožiejos i bažnīcēs klēbuonėjė, anėi bova pavaišintė arbata ē kėbėnās, pabėndrava so vėlnėškės žemaitės sava gimtuojuē muotinas kalbo.

Portėgrapėjės Vėngalė Bonipaca



Bėndra žemaitiu, 2023 m. balondė 11 d. dalīvavusiu Vėlniaus Žvierīna Švč. Mergelės Marijės nekaltuojuē prasėdiejėma bažnīčiuo vīkosiuos žemaitėškuos šv. Mėšiuos, portėgrapėjė